

¡BOMBA!

Pues ya regresó Inzunza
y su fuero ya se siente;
se declara “independiente”
aunque algo se le frunza



K'untzil

Jueves 27 ti' agosto ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2797 · www.lajornadamaya.mx

U múuch'ilo'ob áantaje' táan u péeko'ob úchuk u búulul kaaj ich Nepal yéetel Tíbet; yaan kex 160 kimeno'ob

U múuchil'o'ob áantaje',
péeknaj le jueves máanika' ti'al
u kaxtiko'ob ya'abach máak
jsa'at tu xuul kaajil Nepal
yéetel Tíbet, úchuk u jach
séeb búulul kaaj yéetel tumen
áalkabnaj luuk' xan. Yóok'olal
le je'elo' ts'o'ok yantal kex 160
kimeno'ob.

Ya'abach ti' le máaxo'ob
saatale', táanxel kajilo'ob, beey
úchuk u ya'alal tumen u
jo'opópilo'ob kaaj ba'ale' láayli'
táan u pa'ata'al u yojéelta'al jach
jaytúul máak jkiim yóok'olal.

“Tin wilaj bix úchuk u biinsa'al
kex waxakpéel wa bolonpéel
camiono'ob, beyxan najo'ob yéetel
máako'ob”, tu tsikbaltaj Suman
Chalise, juntúul jka'ansaj 34 u ja'abil,
ti' u kaajil Nuwakot, Nepal.

“Jach yaj óol ba'ax úchij
(...) tin wilaj nojoch loobilaj le
j-úcho', mix juntéen in yáax il
ba'al beyo'”, tu ya'alaj.

U polisil Nepale' tu ya'alaj
béeychaj u kaxtik 157 wiinkilalo'ob,
ka'alikil áantaj máako'obe' láayli'
u máan u yilo'ob wa yaan máax
láayli' kuxa'an naats' ti' jumpéel

wiits, ba'ale' talam u k'uchul máaki,
tu bak'pachil Himalaya.

Beey túuno', u jo'olpópil china
cadenail CCTVe' tu ya'alaj láayli' yaan
u yila'al máaxo'ob le j-úch loobo'.

Áantaj máako'obe' tu yilajo'ob
bix u péeko'ob ichil le luuk'o'ob, tu
jo'olaj mu'ukuk ya'abach máak ka
búul le kaajo'obo'.

KE4 403 ajxiinximbal máako'ob
-341 u túulale' táanxel kajilo'ob-
ts'o'oke' láayli' ma' xan kaxta'ako'ob
kex ts'o'ok u máan jaypéel horas
úchuk, beey tu ya'alaj Ministerio
de Turismo de Nepal.

Ichil táanxel kajil máako'ob
saatale' yaan kex 142 indioilo'ob,
beyxan u máakilo'ob Australia,
Reino Unido, Malasia, Países
Bajos, Portugal, Sudáfrica,
Corea del Sur, Ucrania yéetel
Estados Unidos, a'ala'ab tumen
Junta de Turismo.

Ma' sáasil yanik ba'axten búul
le kaajo'obo', le beetik u cancelleril
Nepal, Shishir Khanal, tu ya'alaje'
miin péeknaj lu'ume' ka tu
cha'ajubáaj lu'um tak ka áalkabnaji,
ts'o'oke' lelo' tu k'ataj u beel jumpéel
rioe', le beetik ka'anchaj le ja'o'.



AFP / P 26
Oochel Ap